

2022-2023 оқу жылындағы 3-сыныптың тәрбие жұмысын талдау.

Сынып: 3.

Сынып жетекшісі: Ниязова .Р.С

2022-2023 оқу жылында 3классты 7 оқушы бастап, 7 оқушы

аяқтады. Оның ішінде 4-уі қыз бала, 3ұл бала

Жаңа оқу жылында мынадай мақсаттар алға қойылды.

1. Мектептің ішкі тәртіп ережесін назарға алу;
2. Сыныпта бірін-бірі тыңдауға, сыйлауға, сыпайы қарым-қатынас жасауға баулу, қоғамдық мүлікке жанашырлықпен қарауға дағдыландыру;
3. Сыныпта, отбасында, күнделікті өмірде салауатты өмір салтын насихаттау;
4. Мемлекеттік рәміздерді құрметтеуге, Отан алдындағы парыз ұғымын қалыптастыруға үйрету . Осы мақсаттарды жүзеге асыру үшін 9 бағытта тәрбие сағатының жоспарын жасадық. **1.Қазақстандық патриотизм және азаматтық тәрбие, құқықтық тәрбие**

Мақсаты: жаңа демократиялық қоғамда өмір сүруге қабілетті азаматты және патриотты; тұлғаның саяси, құқықтық және сыбайлас жемқорлыққа қарсы мәдениетін; балалар мен жастардың құқықтық санасын, оларда балалар мен жастар ортасындағы қатыгездік пен зорлық-зомбылыққа қарсы тұру даярлығын қалыптастыру.

2.Рухани-адамгершілік тәрбие

Мақсаты: тұлғаның қазақстандық қоғам өмірінің жалпыадамзаттық құндылықтарымен, нормаларымен және дәстүрлерімен келісілген рухани-адамгершілік және этикалық ұстанымдарын, моральдық қасиеттерін және көзқарастарын қалыптастыру.

3.Ұлттық тәрбие

Мақсаты: тұлғаны ұлттық және жалпыадамзаттық құндылықтарға, ана тілін және мемлекеттік тілді, қазақ халқының, Қазақстан Республикасындағы этностар мен этникалық топтардың мәдениетін құрметтеуге бағдарлау.

4.Отбасы тәрбиесі

Мақсаты: ата-аналарды оқыту, бала тәрбиесінде олардың психологиялық-педагогикалық құзыреттіліктерін және жауапкершіліктерін арттыру.

5.Еңбек, экономикалық және экологиялық тәрбие

Мақсаты: тұлғаның өзін кәсіби анықтауына саналы қарым-қатынасын қалыптастыру, экономикалық ойлауын және экологиялық мәдениетін дамыту.

6.Зияткерлік тәрбие, ақпараттық мәдениет тәрбиесі

Мақсаты: әрбір тұлғаның зияткерлік мүмкіндігін, көшбасшылық қасиеттерін және дарындылығын, сондай-ақ ақпараттық мәдениетін дамытуды қамтамасыз ететін уәждемелік кеңістік қалыптастыру. **7.Көпмәдениетті және көркем-эстетикалық тәрбие**

Мақсаты: тұлғаның жалпымәдени мінез-құлық дағдыларын қалыптастыру, тұлғаның өнердегі және болмыстағы эстетикалық нысандарды қабылдау, меңгеру және бағалау әзірлігін дамыту, білім беру ұйымдарында көпмәдениетті орта құру.

8.Дене тәрбиесі, салауатты өмір салты

Мақсаты: Салауатты өмір салты, дене дамуы және психологиялық денсаулық сақтау дағдыларын, денсаулыққа зиян келтіретін факторларды анықтау біліктілігін ойдағыдай қалыптастыру үшін кеңістік орнату.

9. **Мінез-құлық мәдениетіне, оның ішінде интернет кеңістігіндегі мінез- құлық мәдениетіне, киберқауіпсіздік мәдениетіне тәрбиелеу**

Мақсаты: оқушының қоғамдық ортада өзін ұстай білу, қоғамда сыйлы болуы және бағалануы, мектептегі зорлық-зомбылықтың алдын алу және әрекет етубалалардың жарақат алуының алдын алу жұмыстарын ұйымдастыру.

Негізгі мақсатқа сүйене отырып, мынадай **міндеттер** алға қойылды:

1. Әрбір адамның ар мен намысын құрметтей отырып, өзін кез келген жағдайда лайықты ұстау;
2. Оқуға арналған уақытты толық пайдалануға, өзінің білім аясын кеңейтуге ынтамен жұмыс істеу, сабаққа жүйелі түрде дайындалу, сыныптан және мектептен тыс шараларға қатысу; мектеп ғимараты мен оның аумағын үнемі тазалықта ұстау;
3. Өзінің және жолдастарының денсаулығы мен өмірінің қауіпсіздігі туралы қам жеу;
4. Үлкенге - құрмет, кішіге - ізет таныту, мұғалімдер мен ата-аналардың заңды талаптарын орындау.

Тәрбие бағыттары тәрбие тұжырымдамасында нақтыланған 9 бағыт бойынша 3-сынып оқушыларының жас ерекшеліктерін ескере отырып, жоспар құрылды және жұмыстар жүргізілді. Әдеттегідей, осы жыл ішінде оқушылардың көптеген тәрбие іс-шараларға, салтанатты жиындарға, зияткерлік ойындарға, КВН, мерекелерге, концерттер мен тақырыптық акцияларға және тағы басқа іс-шараларға қатысымы өте жақсы болды. 1-қыркүйек Білім күніне «Мектебім-мейірім мекені» атты салтанатты жиыны өткізіліп, жиыннан соң біріңғай сынып сағаты өткізілді. Жақсыбайкөл негізі мектебінде учаскелік полиция инспекторы полиция аға лейтенанты Д.Қ.Бисебаев және ТІЖО Б.Т. Аманбаева 3 класс оқушыларымен құқық бұзушылықтың алдан – алу мақсатында кездесіп, түсінік жұмыстарын жүргізді. Мектеп ережесін сақтауға, жол көлік оқиғасының алдын алуға, білім беру ұйымына алып кіруге тыйым салынған заттарды ұстамау, қоғамдық орындарда өзін-өзі ұстау білу керектігі туралы мәліметтер берілді.

«Отбасы – бақыт мекені» атты отбасылық әңгіме сабақ, «Қарттарым – асыл қазынам» қарттармен кездесу сабақтары, дене тәрбиесі, салауатты өмір салтын қалыптастыру мақсатында өткізілген «Денсаулық -2022» Денсаулық марафоны да оқушы, мектеп, ата-ана арасындағы байланысты нықтай түсті. 15 қараша- Ұлттық валюта күніне, «Қатыгездік пен зорлық- зомбылықсыз балалық шақ», «Біз зорлық- зомбылыққа қарсымыз!» тәрбие сабақтарын көркем еңбек, бейнелеу пәндерімен байланыстырып, балалардың ішкі жан дүниесін қағаз бетіне түсірте білдік. «Мемлекеттік рәміздерге- 30 жыл»,

«Мамандықтың бәрі жақсы», «Әртіс бола білемін» тәрбие сағаттарында әңгімелесе отырып, оқушының қаламын ұштап, өз ойын қағазға бетіне түсіріп, арман тілектерін тыңдап, талқыланды.

1 наурыз – Алғыс айту күніне байланысты «Алғыс – бұл ...» , «Анама арнаймын» «Наурызым – құт берекем!» «Қыздарға әсемдік жарасады» тәрбие

сағаттары мерекелік бағдарламалармен байланыса тәрбиелілік мәні бар, тағылымы мол сабақ болды.

Оқушылардың қоңырау кезіндегі уақыттарын тиімді пайдалану, бір-біріне деген сенімділік пен ұйымшылдықты арттыру мақсатында түрлі қызықты ойындар «Кім жылдам?», «Дүкенші» ойыны,

« Кім шапшаң?» жүргізіледі. Бұл ойындарды ойнау арқылы оқушылардың көңіл-күйлері көтеріліп, сабаққа деген қызығушылықтары арта түседі.

Сыныптың үлгерімі тұрақты. Оқушылардың көпшілігі білім алуға қызығушылық

танытады. Оқушылардың отбасына деген оң көзқарасын қалыптастыру үшін жыл бойына ата- аналарымен бірге сыныптық іс-шаралар мен мерекелер өткізілді. Мектепте балалар бір-бірімен жақсы қарым-қатынас жасайды, басқалардың пікірін тыңдайды. Оқушылар мен олардың ата- аналары мектептегі барлық іс-шараларға, түрлі байқаулар мен олимпиадаларға барынша қатысуға тырысты. Оқушылар арасындағы қарым-қатынас біркелкі, тату, оқуда бір-біріне көмектеседі. Барлық оқушылар мектептегі үйірмелер мен спорттық іс-шараларға, көркемсурет және вокал үйірмелеріне қатынасады.

Оқушылар мектептегі барлық іс-шараларға қуана қатысады, оқу сабақтарына жүйелі түрде қатысады, дәлелді себептерсіз сабаққа қатыспайды. Бұл балалармен жұмыс істеу қызықты, бірақ қоғамдық жұмыстарға барлық балалар мен ата-аналар ұжымын тарту қажет. Балалар сынып ұжымында өмір сүруге, дос болуға, жолдастарына көмектесуге, еңбек етуге үйренеді. Келесі оқу жылында сынып ұжымын біріктіру, саналы тәртіп бойынша жұмысты жалғастыру керек.

Класс жетекші : Ниязова Р.